



UNIVERSITÄTS-
BIBLIOTHEK
PADERBORN

Universitätsbibliothek Paderborn

Monvmenta Paderbornensia

Ferdinand <II., Paderborn, Bischof>

Paderbornae, 1669

1. Boca.

urn:nbn:de:hbz:466:1-11425

Somonæ fluvij, An. Christi 660. à Bathilde, Saxonici generis heroina, Clodovæ 2. Francorum regis conjugé fundato, ex quo in novam *Corbeiam Saxoniam* ad Visurgim Ludovicus Pius ejus fundator religiosorum hominum colonias deduxit. Quod Ioannes Trithemius ex Henrico de Hervordia annotavit, & vita S. Adelardi Corbejensis Abbatis apud Bollandum 2. Januarij. pag. 107. & 117. confirmat.

10. HVXARIAE DICIT IVS PADIBORNA TVÆ. *Huxaria*. (in cuius confinijs *Brunisberga*) à Letznero in Chron. Corbejen. cap. 67. 68. 69. 70. descripta, quamvis in ditione Corbejensi sit sita; attamen ad ecclesiasticam sive sacram jurisdictionem Paderbornensis Episcopi pertinet; sedes illic Archidiaconalis præter *Huxariam*, *Albaxen*, *Tedelsheim*, *Brenckhausen*, *Erckelen*, *Luchtering*, *Boiffsen*, *Corbey*, *Holtzminnen*, *Oldendorp* villam & oppidum, *Meenbergen*, *Homborch*, *Heinhüsen*, *Otberge*, *Beveren* complectitur. ex vetus. MS.

11. QVÆ SI POSTERITAS SERVASSET FOEDA. Diversissimus religionis in Paderbornensi & Corbejensi ditione status. In Paderbornensi solius Catholicæ fidei cultus floret vigetque; in Corbejensi Lutheri opinione prævalent, Corbejensis Abbatis in tuendis sacris impotentia, & per controversiam à Corbeja, impeditamque Epis. Paderb. officio illic suo, si liceret, functuri ordinariam jurisdictionem multum certè stabilitæ ac propagatae.

BOCA AD LUPPIAM.

I. BOCA. Brunisbergam castra Caroli M. prælium cum Saxonibus in transitu Visurgis, & diuturna obficio

silio; *Bocam* non minus ejusdem hospitium, pax & religio, ab Astron. in Annal. rerum gest. à Carolo M. apud Reubrum. Auctore vitæ Caroli M. edit. à Pithæo. Adelmo. Poëta Anonymo. Regione. & literis antiquis commemorata commendant, & dignam monumento reddunt.

2. AD LVPPIAM. Vbi etiamnum arx, vicus & præfectura *Boca* appellata supereft: verisimiliter fuit castrum, de quo Astronomus. *Eresburgo castro, quod dirutum erat, restaurato, aliisque castello super Lippiam exstructo, & in utroque non modico presidio relicto, ipse in Galliam reversus.* Quamvis Henricus de Hervordia, quem sequitur Rolevincius, *Vechtelar* appellatum scribat; quod ubinam sit, & unde hauserit, equidem ignoro: *sanc& tae deinde memoriae BADVRADVS* Episcopus Paderbornensis ossa *B. Landolini*, cuius honori dicatum templum *Bocæ* hodieum exstat, è diœcesi Cameracensi translata *Bocæ* collocavit; quæ ad annum usque hoi religiose asservata. Paucis annis ante, Monasterium ordin. S. Benedicti super eadem sacra ossa Erpo Comes de Padberg, consilio & adjutorio Henrici de Werle Paderbornensis Episcopi, inchoavit. *In nomine domini. Erpo dictus Comes in Patberg ad notitiam omnium fidelium per venire desideramus, quod nos ad honorem Domini nostri Iesu Christi, & sanctæ ejus Genitricis Virginis Mariae, & super reverenda ossa beati Landolini confessoris, quæ sanctæ memoriae Baduradus Paderbornensis Episcopus de diœcesi Cameracensi transtulit, & in loco, qui dicitur BOCA integraliter deportavit, novellam plantacionem religionis S. Benedicti construximus super fluvium, qui dicitur Lippia; quod opus structura mea consilio & adjutorio Domini Henrici Paderbornensis Episcopi inceptum, Comites de Nitehe minis & terroribus, ne perficeretur, impedierunt, asserentes se*